



საგარემოლო ფინანსთა  
სამინისტრო



შემოსავლების  
სამსახური



ურთიერთობა გარეგნულად

## რას წარმოადგენს TAX FREE სერვისი?

უცხო ქვეყნის მოქალაქის მიერ საქართველოში უფლებამოსილ სავაჭრო ობიექტებში შეძენილ საქონელზე გადახდილი დამატებული ღირებულების გადასახადის (დღგ) თანხის დაბრუნება, რომელიც იანგარიშება დარიცხული დღგ-ის თანხიდან - საქონლის ღირებულების 18% - შემოსავლების სამსახურის მომსახურების საფასურისა და ბანკის მიერ განეული მომსახურების საკომისიოს გამოკლებით. შემოსავლების სამსახურის მომსახურების საფასური შეადგენს საქონლის დღგ-ის გარეშე ღირებულების 4 %-ს, ხოლო ბანკის საკომისიო - დასაბრუნებელი დღგ-ის თანხის 3%-ს.

## სად შეიძლება შევიძინოთ TAX FREE საქონელი?

საქონლის შეძენა შესაძლებელია იმ მაღაზიაში, რომელსაც აქვს **TAX FREE** სპეციალური ქვითრის გაცემის უფლება და საქონლის მიწოდება იბეგრება დღგ-ით.

### დღგ-ის თანხის დაბრუნებისთვის აუცილებელი მოთხოვნები:

- ▶ იმისთვის, რომ უფლება გქონდეთ მოითხოვოთ გადახდილი დღგ-ის თანხის დაბრუნება, უნდა იყოს უცხო ქვეყნის მოქალაქე;
- ▶ დღგ-ის თანხის დაბრუნების მოთხოვნა შეიძლება საქონელზე და არა მომსახურებაზე;
- ▶ შესყიდვის ღირებულება უნდა აღემატებოდეს 200 ლარს დღგ-ის თანხის გამოკლებით ერთი ქვითრის მიხედვით; ნაყიდი საქონელი უნდა იყოს განკუთვნილი ქვეყნიდან გასატანად;


- ▶ საქონლის გატანა უნდა მოხდეს ყიდვიდან არა უგვიანეს სამი თვისა;
- ▶ თქვენ უნდა იქონიოთ დღგ-ის თანხის დაბრუნების სპეციალური ქვითარი;
- ▶ დღგ-ის თანხის დაბრუნების სპეციალურ ქვითარში ასახული საქონელი სრულად უნდა იქნას გატანილი საქართველოს ტერიტორიიდან;
- ▶ საქონელი უნდა იყოს მოთავსებული სპეციალურ დალუქულ პარკში, გარდა იდენტიფიცირებადი საქონლისა. აუცილებელია, შენარჩუნებული იყოს ლუქის მთლიანობა;
- ▶ შეფუთული საქონელი გახსნას ექვემდებარება მხოლოდ შემოსავლების სამსახურის საბაჟო დეპარტამენტის მებაჟე-ოფიცრის მიერ თანხის დაბრუნებაზე დასტურის მიღების შემდეგ.

**იდენტიფიცირებადია საქონელი, რომელზეც, ქარხნული წესით, დატანილია საიდენტიფიკაციო ინდივიდუალური (უნიკალური) კოდი/კომბინაცია, რაც წარდგენისას მისი იდენტიფიცირების საშუალებას იძლევა.**

## **როგორ და სად მოითხოვთ დღგ-ის თანხის დაბრუნება?**

- ▶ ქვეყნიდან გასვლისას მიმართეთ შემოსავლების სამსახურის საბაჟო დეპარტამენტის მებაჟე-ოფიცერს და წარუდგინეთ დღგ-ის თანხის დაბრუნების სპეციალური ქვითარი, სამგზავრო დოკუმენტი და საჭიერო გზით გადაადგილების შემთხვევაში, სამგზავრო ბილეთი;

- ▶ ხელთ გქონდეთ ნივთები, რომლებზეც დღგ-ს ითხოვთ, ვინაიდან მებაჟე - ოფიცერს აქვს უფლება, ფიზიკურად დაათვალიეროს ისინი;
- ▶ საქონლის დათვალიერების საფუძველზე, ფაქტობრივად წარმოდგენილისა და ქვითარში მითითებული საქონლის შეუსაბამობის, ასევე, დღგ-ის თანხის დაბრუნებისათვის სხვა აუცილებელი მოთხოვნების დარღვევის შემთხვევაში, თქვენ არ დაგიბრუნდებათ დამატებითი ღირებულების გადასახადი;
- ▶ მებაჟე-ოფიცერი ადასტურებს ქვითარს ბეჭდით და გიბრუნებთ ქვითარის ორიგინალს;
- ▶ დღგ-ის თანხის დაბრუნება შეგიძლიათ ბანკში, ნაღდი ან უნაღდო ანგარიშსწორებით, საპასპორტო კონტროლის გავლის შემდეგ;
- ▶ საზღვაო ნავსადგურებში დღგ-ის თანხის დაბრუნება შეგიძლიათ საბაჟო კონტროლის გავლის შემდეგ, თუ საპასპორტო კონტროლი, კანონმდებლობით დადგენილი წესით, ხორციელდება საზღვაო ტრანსპორტზე;
- ▶ უნაღდო ანგარიშსწორებისას უცხოელს გადახდილი დღგ-ის თანხა უბრუნდება ქვეყნის დატოვებიდან არა უგვიანეს 30 კალენდარული დღისა, ხოლო ნაღდი ანგარიშსწორების შემთხვევაში - უცხო ქვეყნის მოქალაქეობის დამადასტურებელი დოკუმენტისა და ქვითარის წარდგენისთანავე.



## გაითვალისწინეთ!

დღგ-ის თანხა დაბრუნებას არ ექვემდებარება შემდეგ საქონელზე

- ▶ მალფუჭებადი საქონელი;
- ▶ სატრანსპორტო საშუალება;
- ▶ ოქრო, რომლის მასა აღემატება 125 გრამს და რომელიც წარმოდგენილი არ არის სამკაულის (ნაკეთობის) სახით;
- ▶ ძვირფასი ქვები;
- ▶ საქონელი, რომლის გატანა საქართველოს ტერიტორიიდან საჭიროებს სპეციალურ ნებართვას ან ლიცენზიას, გარდა საქართველოს კულტურულ ფასეულობათა საქართველოდან გატანის ნებართვას დაქვემდებარებული საქონლისა;
- ▶ საქართველოს საგადასახადო კოდექსის 168-ე მუხლის თანახმად, დამატებითი ღირებულების გადასახადისგან გათავისუფლებულ საქონელი.

